



## I. PRINCIPADO DE ASTURIAS

### • OTRAS DISPOSICIONES

#### CONSEYERÍA D'EDUCACIÓN Y CULTURA

*EXTRACTU de la Resolución de 7 de mayu del 2018, de la Conseyería d'Educación y Cultura, pola que s'aprueba la convocatoria de la 11.ª edición del Premiu "María Josefa Canellada" de Lliteratura Infantil y Xuvenil en llingua asturiana.*

BDNS(Identif.): 399018.

D'aluerdu colu previsto nos artículos 17.3.b y 20.8.a de la Llei 38/2003, de 17 de payares, Xeneral de Subvenciones, publíquese l'extractu de la convocatoria que'l so testu completu pue consultase na Base de Datos Nacional de Subvenciones (<http://www.pap.minhap.gob.es/bdnstrans/index>).

*Primero.*—Beneficiarios:

Va poder presentase a esti premiu cualquier persona, ensin distinción de nacionalidá, siempre que nun resultare ganadora na edición anterior.

*Segundo.*—Oxetu:

Concesión del premiu a una obra de lliteratura infantil o xuvenil —con independencia de que sían noveles, compilaciones de cuentos, poemarios o obres de teatru— escrita en llingua asturiana y con una estensión mínima de doscientos cincuenta versos pa la poesía y de trenta páxines a espaciu doble pa los demás xéneros. La obra ha ser, amás, inédita y non premiada n'otros concursos.

*Tercero.*—Bases reguladores:

Por Resolución de la Conseyería de Cultura y Turismu (actual Conseyería d'Educación y Cultura) de 5 de marzu del 2009 (BOPA de 27 de marzu del 2009) aprobáronse les bases reguladores del Premiu "María Josefa Canellada" de Lliteratura Infantil y Xuvenil en llingua asturiana.

*Cuarto.*—Importe:

3.000,00 euros.

*Quinto.*—Plazu de presentación de solicitúes:

Dende l'otru día de publicase l'extractu d'esta convocatoria en BOPA hasta'l 17 de setiembre del 2018 (día incluyíu).

*Sesto.*—Otros datos d'interés:

- Les obras han presentase en dos sobres cerraos nos que figure'l nome del Premiu y se faga constar el títulu de la obra y el seudónimu del autor/a. El sobre A ha contener datos del autor/a (señes, teléfonu y un currículum d'estensión curtía); nel sobre B ha incluyise l'orixinal y cuatro copies del testu en formato papel.
- La Conseyería d'Educación y Cultura guárdase'l derechu de publicar n'esclusiva la primer edición de la obra premiada, dando por pagos col premiu los derechos d'autor d'esta primer edición.
- Na sede electrónica del Principáu d'Asturies (<https://sede.asturias.es>) pue consultase la Ficha de Serviciu: códigu 200850681, onde se va atopar el testu íntegru de la Resolución y información complementaria.

Oviedo, a 7 de mayu del 2018.—El Conseyero d'Educación y Cultura, Genaro Alonso Megido.—Cód. 2018-05143.